

Incumbensa Hardegger concernent la revisiun da la lescha davart la promoziun da la tgira d'uffants complementara a la famiglia en il chantun Grischun

L'onn 2003 ha la regenza mess en vigur la lescha davart la promoziun da la tgira d'uffants complementara a la famiglia en il chantun Grischun. Dapi lura è vegnidas creadas successivamain 43 purschidas en tut las regiuns dal chantun che han meglierà considerablmain la cumpatibilitad da la professiun cun la famiglia en las singulas regiuns. Las sutsegnadras ed ils sutsegnaders partan dal fatg che l'impurtanza da la tgira d'uffants complementara a la famiglia vegnia anc a crescer marcantamain en l'avegnir. En vista a las consequenzas da las annadas cun paucas naschientschas ch'èn gia ussa da sentir, daventi adina pli difficil da pudair recrutar avunda forzas da lavur, e quai en tut las branschas. I dat citads en Svizra, nua che schizunt ils patruns sa participeschan finanzialmain als custs da la tgira d'uffants complementara a la famiglia, d'ina vart per pudair recrutar persunal e da l'autra vart per pudair preschentar in avantatg economic. I n'è betg da negar ch'ils conturns d'ina sedia d'ina firma èn d'ina gronda impurtanza per domiciliar firmas. Sch'ina purschida da basa, sco p.ex. scolars, purschidas ambulantas e staziunaras dal provediment da la sanadad, cultura u apunta purschidas che promovan la cumpatibilitad da la professiun cun la famiglia, manca en ina regiun, è previsibla ina stagnaziun economica. Las consequenzas a lunga vista èn la depopulaziun dal chantun.

La direcziun dal sistem odiern constat. Ma ord vista dals furniturs da prestaziuns vegnan constatadas differentas mancanzas. Il problem il pli grond èn las differentas tariffas. Quellas ston vegnir graduadas tenor l'art. 7 da la lescha tenor la capaciad economica da las persunas responsablas per l'educaziun. Pervia da quest fatg vegn savens applitgada la tariffa maximala en territoris cun persunas che gudognan bain, en ils auters territoris vegnan percenter applitgads plitgunsch ils stgalims tariffars bass. Ils custs normads èn per regla però circa ils medems. Uschia èsi evident ch'il quint na po betg ir si. Differentas instituziuns èn deficitaras e l'ulteriura existenza d'ina instituziun raschunaivla e necessari è periclitada. Cun ina revisiun da la lescha stoi vegnir preni en mira che l'utilisaziun d'ina instituziun per la tgira d'uffants sto esser finanziabla per tut las persunas responsablas per l'educaziun. Ina maschaida sauna en las instituziuns cun uffants da tut las classas da la populaziun ha ultra da quai in effect social positiv ed i vegn garantida l'egualitad da las schanzas. In'ulteriura mancanza sa mussa tar l'eruida da las tariffas per las singulas persunas responsablas per l'educaziun. Decisivas per eruir la capaciad economica da las persunas responsablas per l'educaziun èn las entradas sutmessas a la taglia ch'èn decisivas per fixar la tariffa plus 10 pertschient da la facultad sutmessas a la taglia ch'è decisiva per fixar la tariffa tenor las datas fiscalas actualas. Ils gestiunaris da las instituziuns per la tgira d'uffants complementara a la famiglia ston sclerir ils facturs fiscals tar las vischnancas da domicil. Quels èn savens provisorics e vegnan per regla anc midads en il decurs da l'onn. Quai è ina fitg gronda lavur administrativa ch'è ultra da quai plain malsegirezass. Ina simplificaziun da l'eruida da datas è urgentamain necessaria. La finala stoi er vegnir preni en mira ch'ils custs normads che n'èn dapi 10 onns betg vegnids midads, vegnian adattads periodicamain a las relaziuns actualas. Igl è surlaschè a la regenza da resguardar ulteriurs puncts en la revisiun da la lescha, sch'ella vesa in basegn d'agir en chaussa.

Cuira, ils 4 da december 2018

Hardegger, Tomaschett-Berther (Trun), Spadarotto, Aebli, Atanes, Berther, Berweger, Bettinaglio, Brandenburger, Brunold, Buchli-Mannhart, Cahenzli-Philipp, Casty, Casutt-Derungs, Cavegn, Caviezel (Cuira), Clalüna, Danuser, Degiacomi, Della Cà, Deplazes (Cuira), Derungs, Dürler, Ellemunter, Engler, Epp, Fasani, Felix, Flütsch, Gasser, Geisseler, Grass, Gugelmann, Hartmann-Conrad, Hitz-Rusch, Hofmann, Hohl, Holzinger-Loretz, Horrer, Jochum, Kasper, Kohler, Kunfermann, Lamprecht, Locher Benguerel, Loi, Maissen, Michael (Donat), Mittner, Müller (Susch), Müller (Favugn), Natter, Niggli-Mathis (Grüsch), Papa, Paterlini, Perl, Pfäffli, Preisig, Rettich, Rüegg, Rutishauser, Schmid, Schneider, Schwärzel, Stiffler, Tanner, Thomann-Frank, Thöny, Thür-Suter, von Ballmoos, Waidacher, Widmer (Favugn), Widmer-Spreiter (Cuira), Wieland, Wilhelm, Zanetti (Sent), Zanetti (Landquart), Brändli Capaul, Bürgi-Büchel, Decurtins-Jermann, Gujan-Dönier, Heini